

ТАБИҒАТ СҰЛУЛЫҒЫН ТАМАШАЛАУ – БҰЛ ДА БІР ДЕМАЛЫС

Кейінгі жылдары елімізде туризм саласына ерекше көңіл бөлінуде. Қазіргі таңда дүниежүзілік мәнге ие болып отырған бұл сала тек көркем табиғатымен ғана шектелмей, тарих пен археологиялық қазбалардың, мәдениет пен өркениеттің, ел мен жердің, сәулет пен ескерткіштердің тартымдылығымен ерекшеленіп тұр. Туризм саласын дамытудың экономикалық тұрғыда және Қазақстанның табиғи, мәдени-рухани келбетін өзге елдерге таныту бағытында екі жақты пайдасы бар десе, таңғажайыптарға толы Маңғыстау аспан астындағы мұражай демекші. Жалпы әр аймақтың немесе елдің өзіне тән табиғи ерекшелігі болады. Маңғыстаудың бетке ұстар әдемі мекендерінің бірі – Бозжыра шатқалы. Әрі бұл мекен облыстың символына айналған. Бозжыраның сұлулығын ғаламтор арқылы көрген шетелдіктер осынау табиғат тамашасын жақыннан бір көру үшін мыңдаған шақырым жерді артқа тастап, келушілер саны жыл санап артып келеді.

Маңғыстау облысы әкімдігінің 2026 жылғы 4 ақпандағы қаулысына сәйкес «Қызылсай» мемлекеттік өңірлік табиғи паркі аумағында көрсетілген туристік қызметтер үшін төлемақы алу тәртібін енгізді. Аталған шешім табиғи аумақтарды сақтау, туристік инфрақұрылымды дамыту және келушілерге көрсетілген қызметтердің сапасын арттыру мақсатында қабылданды. Қазіргі таңда

«Қызылсай» мемлекеттік өңірлік табиғи паркі аумағында кеңінен танымал «Жосалы Бозжыра», «Қызылсай-Тұзбайыр», «Қызылкүл-Боқты» туристік маршруттары жұмыс істейді. Осы бағыттарға келетін туристер үшін көрсетілетін қызметтер облыс әкімінің қаулысымен бекітілген тарифтерге сәйкес ақылы негізде жүзеге асады. «Қызылсай» мемлекеттік өңірлік та-

биғи паркі» коммуналдық мемлекеттік мекемесі көрсететін қызметтер үшін тарифтер мөлшері:

1. Экскурсия ұйымдастырушы қызметін ұсыну – 1 топ (20 адамға дейін) 1 тәулікке 7816 тг.
2. Жолсерік қызметін ұсыну – 1 топ (20 адамға дейін) 1 тәулікке 3986 тг.
3. Көлік (Газель NEXT) қызметін ұсыну – 1 топ (16 адамға дейін) 1 тәулікке 68692 тг.
4. Туристік құрал-жабдықтар ұсыну: Туристік шатырды ұсыну; 1 бірлік 1 тәулікке 2987 тг. Жатын қапшықты ұсыну; 1 бірлік 1 тәулікке 1352 тг. Вагон үйшікті ұсыну (6 адамға) 1 бірлік 1 тәулікке 89110 тг.

Көлік тұрақтарын ұсыну – 1 бірлік 1 тәулікке 827 тг. **А.ДАУЛЕТОВА,** «Қызылсай өңірлік табиғи паркі» КММ-ның туризм және рекреация инженері.

ТӘРБИЕШІ БОЛУ – ҮЛКЕН ЖАУАПКЕРШІЛІК

Бала кезден менің арманым осы сала, яғни тәрбиеші болу еді. Уақыт өте келе сол арманыма қол жеткіздім. Балабақшадағы тәрбие – барлық тәрбиенің бастамасы. Тәрбиеші – балаларды адам мәдениетінің күрделі және алуан түрлі қарым-қатынастарымен таныстыратын маман.

Мен балабақшада бес жылдан астам уақыт еңбек етіп келе жатырмын, бұл жұмысымнан жалыққан емеспін. Балабақша есігін ашқанымда «бақытты балалық шақ» әлеміне түскенімді түсіндім. Әр мамандықтың өз қиындығы, өз қызығы бар. Тәрбиешінің жұмысы күрделі де қызықты. Балаларды ана тілінде дұрыс сөйлету, олардың ой-сезімдерін анық, еркін, көркем жеткізе алуға баулу, танымдық қабілеттерін дамыту – тәрбиешінің мақсаттарының бірі. Ұстаз – киелі мамандық. Адам тәрбиелеу, оған ғылыми негіздерінен мәлімет беру, баланы өмір сүруге үйрету – қиын шаруа. Тәрбиеші күн сайын ерлікке пара-пар жұмыс жасайды.

Менің кәсібіме, іс-әрекетіме деген көзқарастың қалыптасуына әріптес ұстаздарымның рөлі ерекше болды және т.б. педагогтерден үлгі-өнеге алдым.

Әрдайым тәлімгерлерден алған ең басты сабағым – балаға деген мейірімділік, қамқорлық және жанашырлық, шыдамдылық, шынайы болу және әрдайым шығармашылық ізденісте болу.

Әр таңда өз кішкентай достарымды асыға күтемін, олардың әрқайсысы бүгін қандай көңіл күймен келетінін ойлаймын. Кішкентай адамның көкірегі ашық, жүрегі жұмсақ болады.

Балалармен жұмыс жасау – үлкен бақыт. Себебі тек қана бала ешнәрсеге алаңдамай мейірімділікке сенеді. Олар кішкентай алақанын алақаныма қойып, құпияларын айтып маған сенім артады. Пәк көңілді балалармен қарым-қатынас маған қуаныш, шаттық сыйлайды.



Балабақшадағы әрбір ісімізді еліміздің ертеңі, болашағы үшін арнау басты парызымыз деп санаймыз. Осы шеберлік пен шыдамдылықты қажет ететін күрделі үрдісте дер кезінде алынған мектепке дейінгі білімнің әрбір бала үшін, сонымен қатар еліміздің болашағы үшін өмірлік маңызы зор. Сондықтан біздің бүгінгі міндетіміз – тәуелсіз Қазақстанның жарқын болашақ бастауы болатын бүлдіршіндерімізді саналы азамат етіп тәрбиелеу. Менің басты парызым – мықты азаматтарды тәрбиелеп, елге қызмет етуге шақыру.

Нүрия НУХИЕВА, «Рахат» бөбекжайының тәрбиеші-модераторы. Шетпе ауылы.

РЕСПУБЛИКАЛЫҚ ДЕҢГЕЙДЕГІ МАҚТАНЫШ

Білім мен ғылымды ұштастырған оқушылардың жетістігі – ел болашағының айқын көрінісі. Қазақстан Республикасы Оқу-ағарту министрлігі «Дарын» республикалық ғылыми-практикалық орталығының 2025-2026 оқу жылына арналған жұмыс жоспарына сәйкес 2-7-сынып оқушыларына арналған «Зерде» республикалық зерттеу жобалары мен шығармашылық жұмыстардың конкурсы жоспарға сай өтті.



жаратылыстану-математикалық бағыты 2026 жылдың 28-31 қаңтар күндері Ақмола облысы, Щучинск қаласындағы «Балдәурен» республикалық оқу-сауықтыру орталығы базасында өтті. Республика деңгейінде өткен бұл сайысқа еліміздің түкпір-түкпірінен ең үздік жобалар ұсынылып, қатысушылар арасында өзара бәсеке жоғары деңгейде өтті. Аталған білім бәйгесіне Маңғыстау облысынан 15 жас зерттеушілер қатысып, мектебіміздің оқушысы Бисенбай Естай республикалық кезеңнен жүлделі II орынды иеленіп, үлкен жетістікке қол жеткізді. Естайдың зерттеген жұмысы мысыр тауығының үй жағдайында өсірудің тиімді технологиясын анықтап

және оның өнімділікке әсерін тәжірибе жүзінде дәлелдеді. Аталған байқау оқушылардың ғылыми-зерттеушілік қабілетін дамытуға, шығармашылық ойлауын қалыптастыруға және ізденіске баулуға бағытталған. Осындай ауқымды додада жүлделі орын алу – үлкен еңбек пен табандылықтың нәтижесі. Жобаның ғылыми тұрғыда сауатты, мазмұнды әрі жүйелі дайындалуына жетекшілік еткен бастауыш пәнінің мұғалімі Мөлдір Ержанова мен анасы Жазира Сарыеваның еңбегі ерекше. Ұстаздың бағыт-бағдары, кәсіби шеберлігі мен оқушыға деген жауапкершілігі нәтижесінде бұл жұмыс жоғары бағаланды. Мөлдір Ержанованың шәкірт тәрбиелеудегі тынымсыз еңбегі мен жанашыл көзқарасы осындай жетістіктер арқылы көрініс табуда. Жұлдегер оқушымыздың бұл табысы – тек жеке жеңіс емес, сонымен қатар білім ордасының, ұстаздар қауымының және ата-ананың ортақ қуанышы. Мұндай жетістіктер өзге оқушыларға үлгі болып, ғылымға деген қызығушылықты арттырады сөзсіз.

Жас зерттеушімізге алдағы уақытта да биік белестерді бағындырып, ғылыми ізденістерде талағай табыстарға жете берудің тиімді жолы бар. Ал шәкіртін шындай білген ұстазға шығармашылық табыс пен еңбегінің жемісін көре беруін тілейміз.

Айсұлу ҚЫЗЫЛҒҰЛОВА, №6 жалпы білім беретін мектептің бейіндік жөніндегі орынбасары. Қарақия ауданы.

Конкурстың мақсаты – балалардың зерттеу дағдыларын дамыту және мектеп оқушыларының интеллектуалдық-шығармашылық әлеуетін ынталандыру. Конкурс төрт кезеңде өтті. 2-7-сынып оқушыларына арналған «Зерде» республикалық зерттеу жобалары мен шығармашылық жұмыстардың конкурсының аудандық кезеңіне мектебімізден әр түрлі секцияларына 11 оқушы қатысып, 8 оқушымыз I, II, III жүлделі орындарға ие болды.

Облыстық кезеңге 2 оқушымыз қатысты. «Математика, қолданбалы математика» бағыты бойынша 2 «А» сынып оқушысы Омар Жайна II орын мен сертификат алды. Жетекшісі бастауыш пәнінің мұғалімі Гүлсара Аюесова «Химия, биология» бағыты бойынша 5 «А» сынып оқушысы Бисенбай Естай I орын алып, республикалық кезеңге жолдама алды. «Зерде» конкурсының республикалық кезеңі

Мұнайлы ауданы әкімдігінің ҚАУЛЫСЫ

Мұнайлы ауданы №49 24 ақпан 2026 ж.

Мұнайлы ауданы аумағында орналасқан жер учаскесін мемлекет мұқтажы үшін мәжбүрлеп иеліктен шығаруды бастау туралы

Қазақстан Республикасының Жер кодексінің 17, 84-баптарына, Қазақстан Республикасындағы жергілікті мемлекеттік басқару және өзін-өзі басқару туралы заңының 37-бабына, мемлекеттік мүлік туралы заңына және 2025 жылғы 9 желтоқсандағы «Маңғыстау облысының жолаушылар көлігі және автомобиль жолдары басқармасы» мемлекеттік мекемесінің шығыс №02-05-681 хатына сәйкес Мұнайлы ауданының әкімдігі **ҚАУЛЫ ЕТЕДІ:**

1. Мұнайлы ауданы, Тамақ бекетінен Ақтау Халықаралық әуежайына дейінгі темір жол желісінің құрылысын салу үшін Мұнайлы ауданына қарасты жеке меншік құқығымен табысталған «Шыны пластикалық құбырлар зауыты» жауапкершілігі шектеулі серіктестігіне тиесілі (кадастрлық нөмірі: 13:200:090:061) жалпы алаңы 44,1000 гектар жер учаскесін мемлекет мұқтажы үшін иеліктен шығару рәсімі басталсын.
2. Жер учаскесін мемлекет мұқтажы үшін алып қоюға байланысты мәжбүрлеп иеліктен шығару күні осы қаулының ресми жарияланған күнінен бастап 3 (үш) ай мерзім болып белгіленсін.
3. Осы қаулыда көрсетілген меншік иелері келісім рәсімдерін жүзеге асыру үшін Мұнайлы ауданы әкімдігіне хабарласу ұсынылсын.
4. «Мұнайлы аудандық жер қатынастары бөлімі» мемлекеттік мекемесі (Ф.Салихов) осы қаулыдан туындайтын шараларды қабылдасын.
5. Осы қаулы қабылданған сәттен бастап 3 (үш) жұмыс күні ішінде Мұнайлы ауданы әкімдігінің интернет-ресурстарын қоса алғанда, республикалық немесе жергілікті бұқаралық ақпарат құралдарында жариялансын.
6. Осы қаулының орындалуын бақылау аудан әкімінің орынбасары А.Нұрмұханға жүктелсін.
7. Осы қаулы қол қойылған күннен бастап қолданысқа енгізіледі.

Қ.ҚҰЛЖАНОВ, Мұнайлы ауданының әкімі.

ҚОҒАМДЫҚ ТЫҢДАУ ТУРАЛЫ ХАБАРЛАНДЫРУ

«ABSOLUTE OIL LTD» Жеке компаниясы «Солтүстік-Батыс Елемес кен орнында тереңдігі 3060 м №Е-200 көлденең өндіру ұңғы масын салуға арналған жеке техникалық жобаға» қоршаған ортаны қорғау бөлімі және қоршаған ортаны қорғау жөніндегі іш-шаралар жоспары бойынша ашық жиналыс түрінде қоғамдық тыңдау өтетіні туралы хабарлайды.

Қоғамдық тыңдау 2026 жылы 6 сәуір сағат 15:00-де өтеді. Өткізу орны: Маңғыстау облысы, Боранқұл ауылы, мәдениет үйі ғимараты. **Онлайн қосылымға сілтеме:** <https://us06web.zoom.us/j/82130809121?pwd=Unka2Ms0O8MoOgJC5XQRCLaJPoEuC.1>

Конференция идентификаторы: 821 3080 9121, **Кіру коды:** 464748. **Белгіленген қызметтің бастамашысы:** Absolute Oil LTD ЖҚ, Астана қ., Есіп ауданы, Мәңгілік даңғылы, 37-үй, 29-пәтер, БСН: 240940900632, Эколог – Жаннат Екибаева, тел. 8 (701) 999 2484.

Жобаны жасақтаушы: «КазНИГРИ» ЖШС, БСН: 991240001478, эл.пошта: info@kaznigri.kz, тел: 8 (7122)763090.

Жергілікті атқарушы орган: «Маңғыстау облысының табиғи ресурстар және табиғат пайдалануды реттеу басқармасы» ММ, жауапты тұлға Сабина Базарбай, эл. пошта: s.bazarbay@mangystau.gov.kz, тел.: 8(7292) 43-10-88; ұялы тел.: +7 (778) 113-9897.

Жобалық құжаттама <https://ndbecology.gov.kz> порталында орналастырылған. Солтүстік-Батыс Елемес кен орнындағы №Е-200 координаттары – 46°01'33,9497" с.е., 54°01'17,7839" ш.б. Боранқұл ауылы координаттары – 46°12'28" с. е. 54°28'16" ш.б.

БАСПАСӨЗ-2026

«МАҢҒЫСТАУ» газетіне жазылу науқаны жүріп жатыр



«Халық» және «Каспий» қосымшасы арқылы онлайн жазылуға болады



Туған өлкеніңіздің үнін жеткізетін – «Маңғыстау» газеті!

«МАҢҒЫСТАУ» ГАЗЕТІНЕ ЖАЗЫЛУ

Жазылу түрлері	Редакция арқылы жазылу бағасы	«Қазпошта» АҚ арқылы жазылу бағасы	Индекс
Занды тұлғалар үшін 1 жылға	16 370,00	25 881,96	15492
Жеке тұлғалар үшін 1 жылға	8 185,00	12 947,52	65492

"МАҢҒЫСТАУ МЕДИА" ЖШС ЖАРНАМА БӨЛІМІ

8 7292 20 48 42 | жұмыс уақытында

8 778 145 90 93 | тәулік бойы қосулы

МАҢҒЫСТАУ MEDIA

«МАҢҒЫСТАУМҰНАЙГАЗ» АҚ ЖОБА БОЙЫНША ҚОҒАМДЫҚ ТЫҢДАУЛАР ӨТЕТІНІ ТУРАЛЫ ХАБАРЛАЙДЫ

Қоршаған ортаны қорғау түзету бөлімдері «Маңғыстаумұнайгаз» АҚ Қаламқас кен орнының объектілерінде орналасқан ұңғымаларды салуға, кен орындарын жайластыруға арналған жұмыс жобаларына қоғамдық тыңдау өткізеді.

Жоба атаулары:
 1. «К/о Қаламқас тығыздау ұңғымаларын жайластыру 21 кезек»;
 2. «Қаламқас к/о ГУ жұмыс істеп тұрған қосымша жабдықтарды орнату»;
 3. «Маңғыстау облысының Қаламқас к/о 5 газ өндіру ұңғымаларын жайластыру».

Учаскенің географиялық координаттары және әсер ету аумағының географиялық координаттары: 45°20'28" с. ш. 51°54'08" в. д.

Қоғамдық тыңдауларды өткізу аумағы, күні, уақыты және орны: 2026 жылғы, 7 сәуірде сағат 15.00-де, Маңғыстау ауданы, Шебір ауылы әкімдігінің ақт залында өтеді.

Microsoft Teams арқылы онлайн қосылуға сілтеме: <https://teams.microsoft.com/meet/48230776502717?p=vFU08vuyHSOcj46H1HO>

Конференция идентификаторы: 482 307 765 027 17
Кіру коды: K7U7nt6o
Түтынушы: «Маңғыстаумұнайгаз» АҚ; «Қаламқасмұнайгаз» ӨБ, БСН: 990140000483, Ақтау Қ., 6-ш/а, 1-ғимарат, тел.: 8 17292/ 212-226.

Маңғыстау облысының табиғи ресурстар және табиғат пайдалануды реттеу басқармасы <https://www.gov.kz/memleket/entities/mangystau-eco?lang=ru>

Жобаның әзірлеушісі: «Маңғыстаумұнайгаз» АҚ, күрделі құрылыс департаменті;

Құжаттама <https://ndbecology.gov.kz> порталында және <https://www.gov.kz/memleket/entities/mangystau-eco/documents/> интернет-ресурста.

Материалдарды сұрауға болатын электрондық пошта мекенжайы және телефон нөмірі: a.zharagova@mng.kz, 212-226

Ескертулер мен ұсыныстар <https://ndbecology.gov.kz> және электр. ЖАО мекен-жайы s.bazarbay@mangystau.gov.kz сайтында қабылданады.